

Powšitkowne WOZJEWJENJA

njedźelu, 9. februara 2025

Hłowna a wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow na swoju hłownu a wólbnu zhromadźiznu štwórtk, 13. februara, do Chrósćic. Započnjemy z Božej mšu we 18.00 hodž. w cyrkwi. Přizamknje so zhromadźizna na farje. Do hłowneje zhromadźizny a po njej změja člonoyo składnosć, swój lětny přinošk džesać eurow zapłaćić.

Přednošk wo Jurju Wawriku

K temje „Pěši do Roma. Jurja Wawrikowy putniski dženik z lěta 1842“ přednošuje dr. Lubina Malinkowa z Budyskeho Serbskeho instituta wutoru, 11. februara, w 19.00 hodž. na žurli Budyskeho Zwjazka archiwow na Hrodowej 12. Zastup je darmotny.

„Pój, wjesel so!“ – Zhromadny džeń za 1. a 2. lětnik

Pod hesłom „Pój, wjesel so!“ su džěci 1. a 2. lětnika w zymskich prózdnicach do Don Boskoweho domu we Worklecach přeprašene. Zarjadowani wotmějetej so po wutoromaj, 18. kaž tež 25. februara, wot 9.00 do 15.00 hodž. Přizjewjenje je hač do tuteje njedzele, 9. februara móžne. Njeh so džěci póstnisce předrasća. Swójski přinošk wučinja pjeć eurow. Link k přizjewjenju je pod www.posol.de wozjewjeny.

TCM přeprašuje na wulět do Eichsfelda

Sekcija wěda a skutk Towarstwa Cyrila a Metoda z.t. (TCM) přewjedže wot pónđzele, 29. septembra, do pjatka, 3. oktobra, wulět přez Helfta a Bad Frankenhausen do Heiligenstadta. Wottam poda so skupina na wšelake městna Eichsfelda kaž tež do Göttingena. Zajimcy měli so hač do pjatka, 28. februara, w redakciji Katolskeho Posoła přizjewić, telefonowe čisło (0 35 91) 55 02 10. Zdobom měli potom na konto TCM 200,00 eurow napłaćić: Cyrill-Methodius-Verein e.V., IBAN: DE65 7509 0300 0008 2823 66, hesło: „Eichsfeld“. Dale měli zajimcy zawěšćenje w padže njenastupa jězby (Reiserücktrittsversicherung) wotzamknyć. Štóž ma k tomu prašenja, njeh wobroći so na Jurja Špitanka w Zejicach, telefonowe čisło (03 57 96) 9 63 47.

Serbska putniska jězba

Na serbsku putnisku jězbu do Weserskich horin wot pónđzele do štwórtka, 14. do 17. julija, přeprašuje Radworske Šmitec-Schwarzec busowe wozydłownistwo. Duchowny nawod změje farar Gabriš Nawka. Přizjewjenja přijimuju w Radworju, telefonowe čisło (03 59 35) 28 60.

Ewangelski putniski puć w srjedźišću

Na poslednim zarjadowanju 13. kulturneje zymy w putniskej hospodže Moniki Gerdesoweje w Chrósćicach přednošuje sobotu, 15. februara, w 19.45 hodž. Josef Heirich z Königsbrunna k putniskemu pućej w Awstriskej „Der Weg des Buches“. Hižo w 16.00 hodž. poskića hosćićelka serbske džěćace kino. Wšitcy zajimcy su wutrobnje přeprašeni.

Dalekubłanje na polu cyrkwinskeje hudźby

Pod hesłom „Chcu ći spěwać a hrać“ wotměje so wot pjatka do soboty, 14. do 16. měrca, wosebite dalekubłanje na polu cyrkwinskeje hudźby w Smochčanskim kubłanišću swjateho Bena. Pod nawodom tachantskeho kapałneho mištra Christiana Bonatha skića dny bohaty kursowy program za spěwarjow, instrumentalistow a chórowych nawodow. Linkaj k nadrobnišim informacijam kaž tež k přizjewjenju stej pod www.posol.de podatej.

Pytaja wosobu za fachowe hladanje

Dom swjateje Ludmile w Chróścicach poskića džěłowe městno fachoweho hladarja starych ludži. Wone hodži so hnydom wobsadzić. Džěło płáci hladarnja po tarifowych rjadowanjach Carity. Požadanja přijimuje z póštu abo z mejlku na hl-stl@caritas-ddm.de. Nadrobniše informacije poda nawodnica Mónica Wenclowa, telefonowe čisło (03 57 96) 94 73 30.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Štóž chcył wukubłanje absolwować, měł so pola hospicneje služby Carity w Kamjencu přizjewić. Link k nadrobnyim informacijam je pod www.posol.de podaty.